

ձուցանել յԱթոռն զԳաբրիէլ Պատրիարք 'ի մխիթարութիւն ինքեանց եւ 'ի արիւմանս ծերութեան նորին . զի չէր արժան թողուլ զԱթոռն առանց Գահակալի եւ զմիաբանութիւնն առանց Գլխոյ , ('ի 13 Մայիսի) : Թէպէտ եւ ինքն Պօղոս եպիսկոպոս ձեռնարկեալ եւ կնքեալ էր զայն գիր , այլ յետոյ առանձին գրեաց առ Զաքարիա վարդապետ , ուր ասէ՝ թէպէտ ցանկամբ բարեկարգութեան Աթոռոյն , այլ առանց Պատրիարքի ոչ յաջողի եւ ոչ հաստատի , ուստի արժան է տալ նմա հրաման դառնալ յԱթոռն , որպէս գրեցին միաբանք , զի չէր արժան անհոգութեամբ 'ի բաց թողուլ զբարեկարգութիւն միաբանաց . ե յուսայր նա զիւրաւ ստանալ զայն 'ի գալստեան նորին , եթէ մընայր անշարժ 'ի խոստմունս իւր , որպէս խոստացեալ էր 'ի կոստանդինուպօլիս , մինչ էրն ընդ Պօղոսի , ե մի լիցի զկնի գալստեան իւրոյ ժխտել եւ վարիլ ներհակօքն , որոյ վասն պարտ էր վերստին պատուիրել նմա Ամիրայից , զի զամենայն գործս կառավարութեան Աթոռոյն համակամ հաճութեամբ Խորհրդականաց վարել , ե մի պատրիլ իրեւ զտղայ ըստ առաջնոյն 'ի փառասիրութենէ կենցաղոյս . ապա պատուիրէ ցուցանել ազգապետաց զայս գիր ե զմիաբանացն , եւ յանձն առնել 'ի կամս նոցա զտնօրէնութիւնն ըստ վայելչութեան յօգուտ Ա. Աթոռոյն : Ի վերայ այսր խնդրոյ տնօրինեցին ազգայինք , զի Գաբրիէլ եպիսկոպոս Պատրիարքական չքով եւ Զմիւռնիոյ առաջնորդութեան իշխանութեամբ նստիլ անդ ուրախութեամբ եւ հանդարտութեամբ ժամանակ ինչ , ե Յարութիւն վարդապետի տեղւոյն երթալ Առաջնորդ 'ի Պրուսայ ե 'ի Կուտինայ , (1829 . 'ի 1 Յունիսի) :

Կուսակալն Դամասկոսի Օսման Փաշայ ըստ Արքունի հրովարտակին կալաւ 'ի Դամասկոս զէ կաթողիկ քահանայս , Տ . Յովհաննէս , Տ . Յովսէփ 'ի Գաղատիոյ , Տ . Պետրոս 'ի Կարնոյ ե Տ . Գաբրիէլ 'ի Տիգրանակերտէ , ե կապանօք աքսորեաց զնոսա 'ի Շամ Թարապուլուս , եւ Յովհաննէս վարդապետ առաջնորդ տեղւոյն կրեաց սատո 'ի Բդէշխէն վասն անտեղեակ գօլոյ զնոցանէ ('ի 13 Յունիսի) :

Իսկ Եղիա եպիսկոպոս որ դեղերէր 'ի Կոստանդինուպօլիս խնամօք եւ պաշտպանութեամբ հոգեւոր հօր իւրոյ